



Martinus patria Achantopolitanus à pueris operam literis dedit, atq; primis rudimentis perceptis, sese ad Tubingensem academiam cōtulit. In ea primò liberales artes didicit, atq; S. Theologiæ studium coniunxit, idq; tanta dexteritate, ut eius facultatis Doctoralia insignia sibi compararet. Accedebat & uite castitas, & morum innocentia. nec non dicendi grauitas, & docendi perspicuitas. Id cum proceres eius loci intellexissent, eū Tubingensis Ecclesię parochum constituerunt. Eam functionem is diu magna laude administrauit, & cunctis gratissimus fuit, idq; sub illustribus. principe Huldrico, antequam purior Euangelij doctrina ijs

in locis publicè recepta esset. Cum autem ex patrimonio & salario Ecclesiastico magnas opes conquisiuisset, atq; liberis, fratribus, & sororibus careret, in primis patris suis de proprijs bonis aliquid legauit, ex reliquis aut, sapientū uirorū consilio, collegium aliquod in ea Academia adhuc uiuens fundare uoluit, in quo pauperes studiosi, quibus aliunde sumptus ad studia non suppetere, fouerentur. Tantū autē ipse legauit, ut inde nouem studiosi alii queant. Huic suę foundationi initium fecit anno salutis nostrę per λόγον incarnatū recuperatę, 1518. in festo Simonis & Iudę.